



Seizcin daeuj daengz va angq hai,
Duzmbaj duzrwi eiq ndaej lai,
Ruzhoengz gik raeuz daih dem daih,
Vih guek fukhwng hai dungxcaiz.

Miz gungcanjdangj dazyinx ndei,
Lwgminz riengz dangj niu lumj ceiz,
Guek raeuz fouqmiz bouxboux angq,
Ndwenngoengz gvaq ndaej van lumj
dangz.

Doengzcaez haenqguh guek fouq daeuj,
Vunzvunz miz ngaenz youh miz haeux,
Lajmbanj gizgiz bienq ndaej gyaeu,
Swnh rumz bauqrengh ndei lai
raeuh.

Angqyangz ciepcoux bi duzguk,
Lwgminz bouxboux cungj miz fuk,
Vih guek vih minz hai dungxcaiz,
Cienzmienh fukhwng engq fouqgiengz.

Nyeuxgyaeuj dauqlaeng,
Guek raeuz guh daengz gij saeh,
Ndawsim caen eiq,
Guekcoj ndaej bienq baenz ndei.

Dangj raeuz dazyinx,
Gij rengz ciuyinx hung lai,
Roen daegsaek hai,
Mbouj caiq gwn cai daenj yak.

Dangj gyaiez bouxhoj,
Coengh guh ranz moq haujlai,
Mehmbwk bouxsai,
Ranzranz baij daiz angqhoh.

Dangj gyaiez bouxhoj,
Vunzak gyoengq coh haeuj ranz,
Miz maz hojnanz,
Cungj baengh aendangj gaijgez.

Daengx guek duetgungz,
Lwgminz vuenyungz sim' angq,
Caez haeuj siujgangh,
Cungj danq aendangj ndeiraeuh.

Yawjyawj mbanjranz,
Aen dangj raeuz caen hungmbwk,
Vunz naeuzswgswg,
Heuh mwngz yawj dwk da va.

Mbanjmbanj bienq ndaej gyaeu,
Gyoengqvunz naeuz,
Baengh dangj raeuz baenz yiengh,
Daengz laux miz vunz ciengx,
Angq couh ciengq,
Vuenyungz yiengj ndaej lai.

Baengh gohgi hwngfat,
Guek raeuz ak,
Cungj dwg yat ndaej maenh,
Guh ndei saeh bonjfaenh,
Yienghyiengh swnh,
Guek raeuz swnj dwk hwng.

Diuz it rangh it loh,
Guek raeuz guh ndaej ndei,
Gaemndaet seizgei ndei,
Itdingh meiz(miz) maqmuengh.

Mbouj dwg loq fangzhwnz,
Naengh "ruz" mbin hwnj mbwn,
Gangj daeuj hix dwg caen,
Cauhfuk vunz lajbiengz.

Mbouj dwg loq fangzhwnz,
Hwnj mbwn cauhs Denhgung,
Guh Bwzdaeuj Hidung,
Lajbiengz cungj danqhaenh.

Mbouj you daenj caeueq gwn,
Ciengxlwenx gaen dangj byaij,
Daengx guek lwgminz maij,
Ndaej fanh daih vuenyungz.

Diuz loh guek raeuz onj,
Raeuz mbouj ndoj lingh giz,
Gou daeuj lwnh mwngz nyi,
Guek ak miz maqmuengh.

Angqcoux bi duzguk,
Youh miz fuk daeuj daengz,

Seizgei youq henz ndang,
Raeuz wngdang haenqguh.

Guek fouq ndaej saedyienh,
Cien fanh lwgminz rengq,
Caez swnh rumz bauqrengh,
Guek ak bengj haenqguh.

Cungj mbouj dwg gangj yaeuh,
Vah dangj raeuz aeu dingq,
Byaij roen guek raeuz cingq,
Guek ak dingh saedyienh!

Gyoengqvunz diuz sim ndeu,
Ciu dangj vunqdin byaij,
Baihnaiz feiz lumj haij,
Hix cauhfuk daihlaeng!



Gaiqnaz lajmbanj saekloeg saekhenj doh gyangdoengh.

Cinz Veifungh ingj.

Bouxfamhlaux iet fwngz goemq
bak de, sing daemq naeuz:

"Gaej heuh, gou rox mwngz
mbouj dwg, hoeng aen coih mwngz
gaeng doekdingh lo."

"Gou dingj mbouj ndaej
gyoengqde yunghhingz——"

"Gou rox, cijaeu mwngz baez
nyinh bonjfaenh dwg caeggeq, mbouj
deng cungq nyingz dai bae suenq
mwngz seizheiq ndei lo."

"Ai!"

"Mbouj aeu simcieg, gij saedceij
dangheiq gaeng gvaqbae lo, mwngz
haeujdaeuj hix miz haj roek ndwen
luba?"

"Mbouj rox."

"Buenq bi gonq ceiq nanz
cengq."

"Gou cengq gvaqbae lo."

"Ndei, daj mwngz gangj vah
caeueq guh saeh, gou couh rox mwngz
dwg deng ien' uengj hane."

• Sawcuenhvaez Lwgnyez •

Gij Golwgnyez Henz Dahhoengz

红 水 谣

□ Lanz Haijyangz Moz Beibei / 蓝海洋 莫蓓蓓

"Goenggeq." Lungz Byauh gig
geizheih, "mwngz deng an maz coih
couh deng gyaeng haeujdaeuj ne?"

"Caeueq mwngz doxdoengz."

"Yo, mwngz—— dwg caeggeq?"

"W."

"Yawj gij yiengh mwngz, itdingh
hix deng ien' uengj lo."

"Mbouj, gou mbouj deng ien-
uengj."

Lungz Byauh doeksaetyat, daj
gwnz dongfiengz naengh hwnj-

daeuj.

"Baenzneix, mwngz caen dwg
vunz lajfwngz 'Vangzvaizgvaieq'?"

"Goj ndaej baenzneix gangj."

"Mwngz raen gvaq 'Vangz-
vaizgvaieq'?"

"Raen gvaq."

"Dingqgangj de rox song fwngz
doengzseiz nyingz cungq, youq
gyanghwnz byaij roen mbouj aeu
bogfeiz, lij ndaej sam hwnz sam
ngoengz mbouj gwn doxgaiq dem

ne……"

"Deng, song yiengh baihgong
cungj mbouj gangjboq, hoeng sam
hwnz sam ngoengz mbouj gwn doxgaiq
dwg gyaj." Bouxfamhlaux gig nyinh-
caen dap.

"Baenzlawz cij dwg caen?"

"De gwn saejdaeuz."

"Ha, hoeng gwnz bya bae gyawz
miz saejdaeuz ne? Gwn bingj, gwn
dangz?"

(caengz sat)